

I Isa 38:8-40:2

1 אשר ירדה ⁹מכתב ליחזקיה מלכ יהודה בחוליותיו ויחי מחוליו
2 ¹⁰אני אמרתי בדמי ימי אלכה בשערי שאול פקודתי ומר שנתי ¹¹אמרתי לוא
3 אראה יה בארץ חיים ולוא אביש אדם עוד עמ יושבי חדל ¹²דורי נסע
4 יכלה מני כאוהל רעי ספרתי כאורג חיי מדלה יבצעני מיום עד לילה תשלימו
5 ¹³שפתי עד בוקר כארי כן ישבור כול עצמותי מיום עד לילה תשלימו
6 ¹⁴כסוס עוגר כן אצפצפ אהנה כיונא דלו עיני למרום אדוני עושקה לי
7 וערבני ¹⁵מה אדבר ואומר לוא היאה עשה ליה אדודה כול שנתי על מור
8 נפשיא ¹⁶אדוני עליהמה וחיו ולכול בהמה חיו רוחו ותחלימוני והחיני
9 ¹⁷הן לשלום מר ליה מאודה ואתה חשקתה נפשי משחת כלו כיה השלכתה
10 אחרי גוכה כול חטאי ¹⁸כיה לוא שאול תודכה ולוא מות יהללכה ולוא ישברו
11 יורדי בור אל אמתכה ¹⁹חי חי הוא יודכה כמוני היום אב לבנים יודיע
12 אל אמתכה ²⁰יהוה להושיעני ¹⁹חי חי יודך כמוני היום אב לבנים
13 יהודיע אלוה אמתך ²⁰יהוה להושיעני ונגנתי נגן כול ימי
14 חיני על בית יהוה ²¹ויאמר ישעיהו דבלת חאנים וימרחו על השחין ויחי ²²ויאמר חזקה מה אות כי א
15 ¹בעת ההיא שלח מרודך בלאדון בן בלאדון מלך בבל ספרים ומנחה אל
16 יחזקיה וישמע כיה חלה ויחיה ²וישמח עליהמה יחזקיה ויראם
17 את כול בית נכתיו את הכסף ואת הזהב ואת הבשמים ואת השמן הטוב
18 ואת כול בית כליו ואת כול אשר נמצא באוצרותיו לוא היה דבר אשר לוא
19 הראם יחזקיה בביתו ובכול ממלכתו
20 ³ויבוא ישעיה הנביא אל מלך יחזקיה ויאמר אליו מה אמרו האנשים
21 האלה ומאין יבואו אליכה ויאמר יחזקיה מארץ רחוקה באו אלי מבבל
22 ⁴ויאמר מה ראו בביתכה ויאמר יחזקיה את כול אשר בביתי ראו לוא היה
23 דבר אשר לוא הראיתים באוצרותי
24 ⁵ויאמר ישעיה אל יחזקיה שמע דבר יהוה צבאות ⁶הנה ימים באים
25 ונשאו כול אשר בביתכה ואשר אצרו אבותיכה עד היום הזה בבל יבואו
26 ולוא יותר דבר אמר יהוה ⁷ומבניכה אשר יצאו ממעיכה אשר תוליד יקחו
27 ויהיו סריסים בהיכל מלך בבל ⁸ויאמר יחזקיה אל ישעיה טוב
28 דבר יהוה אשר דברתה ויאמכיה יהיה שלום ואמת בימי
29 ¹נחמו נחמו עמי ויאמר אלוהיכמה ²דברו על לב ירושלים וקראו אליהא

39

40

1 אשר ירדה מכתב ליחזקיה מלכ יהודה בחוליותיו ויחי מחוליו
2 אני אמרתי בדמי ימי אלכה בשערי שאול פקודתי ומר שנתי אמרתי לוא
3 אראה יה בארץ חיים ולוא אביש אדם עוד עמ יושבי חדל דורי נסע
4 יכלה מני כאוהל רעי ספרתי כאורג חיי מדלה יבצעני מיום עד לילה תשלימו
5 שפתי עד בוקר כארי כן ישבור כול עצמותי מיום עד לילה תשלימו
6 כסוס עוגר כן אצפצפ אהנה כיונא דלו עיני למרום אדוני עושקה לי
7 וערבני מה אדבר ואומר לוא היאה עשה ליה אדודה כול שנתי על מור
8 נפשיא אדוני עליהמה וחיו ולכול בהמה חיו רוחו ותחלימוני והחיני
9 הן לשלום מר ליה מאודה ואתה חשקתה נפשי משחת כלו כיה השלכתה
10 אחרי גוכה כול חטאי כיה לוא שאול תודכה ולוא מות יהללכה ולוא ישברו
11 יורדי בור אל אמתכה חי חי הוא יודכה כמוני היום אב לבנים יודיע
12 אל אמתכה יהוה להושיעני חי חי יודך כמוני היום אב לבנים
13 יהודיע אלוה אמתך יהוה להושיעני ונגנתי נגן כול ימי
14 חיני על בית יהוה ויאמר ישעיהו דבלת חאנים וימרחו על השחין ויחי ויאמר חזקה מה אות כי א
15 בעת ההיא שלח מרודך בלאדון בן בלאדון מלך בבל ספרים ומנחה אל
16 יחזקיה וישמע כיה חלה ויחיה וישמח עליהמה יחזקיה ויראם
17 את כול בית נכתיו את הכסף ואת הזהב ואת הבשמים ואת השמן הטוב
18 ואת כול בית כליו ואת כול אשר נמצא באוצרותיו לוא היה דבר אשר לוא
19 הראם יחזקיה בביתו ובכול ממלכתו
20 ויבוא ישעיה הנביא אל מלך יחזקיה ויאמר אליו מה אמרו האנשים
21 האלה ומאין יבואו אליכה ויאמר יחזקיה מארץ רחוקה באו אלי מבבל
22 ויאמר מה ראו בביתכה ויאמר יחזקיה את כול אשר בביתי ראו לוא היה
23 דבר אשר לוא הראיתים באוצרותי
24 ויאמר ישעיה אל יחזקיה שמע דבר יהוה צבאות הנה ימים באים
25 ונשאו כול אשר בביתכה ואשר אצרו אבותיכה עד היום הזה בבל יבואו
26 ולוא יותר דבר אמר יהוה ומבניכה אשר יצאו ממעיכה אשר תוליד יקחו
27 ויהיו סריסים בהיכל מלך בבל ויאמר יחזקיה אל ישעיה טוב
28 דבר יהוה אשר דברתה ויאמכיה יהיה שלום ואמת בימי
29 נחמו נחמו עמי ויאמר אלוהיכמה דברו על לב ירושלים וקראו אליהא